

Dahdauz seng youq Mbanjyauz, maj youq Mbanjyauz.

Mbanjyauz youq gyang bya. Bya dwg byarin, aen langh aen, aen sang gvaq aen. Daj gizgyae yawj bae, gij ranzfaex Mbanjyauz lumj dwg nem youq gyang dat nei. Gizde conq namh bengz gvaq conq gim, bi daengz byai cij ndaem miz haeuxyangz, lwgmaenz, lwgbiek caeuq duhmeuz gij doenghgo neix, caemhcai q lij dwg ndaem roengz geh rin bae, lij aeu baengh fwn cij miz sou.

Vunz Mbanjyauz bae haw aeu byaij ndoi benz dat, mbwn caengz rongh okdou, mbwn laep cij ma daengz ranz.

Yienznaeuz dwg aen mbanj he, gizsaed cij miz sam ranz vunz. Dahdauz daj iq couh haenh gyoengq-vunz youq mbanj lajbya, aenvih gyoengqde miz naz miz reih, miz haeuxam gwn.

Dahdauz doeg cuhcungh ngeih nienzgaep bihaenx, maj baenz dahsau sangreux gyaunde i he. Seizneix bouxmoiz daeuj ranz, Dahdauz habhoz dwk haq daengz mbanj lajbya, daeuj guh dahsau gou. Haeuxam gaeuq gwn imq gwn doh, hoeng mbouj miz maz ngaenz sawjyung. Lwngyez rim bi le, dahsau naeuz yaek bae Guengjdoeng dajgoeng.

Daeggo mbouj hawj dahsau bae, naeuz: "Boux mehmbwk ndeu bae gizgyae, mbouj rox vunz, mbouj rox dieg, mbouj ancienz, mbouj cinj bae." Hoeng dahsau mbouj dingqgangj, itdingh aeu bae, laeglemx sousib buhvaq, ngoenz daihngaih mbwn caengz rongh couh okdou. Daeggo gyaep daengz gwnz loh, mbouj raen ngaenz vunz lo, de hujdengdeng



naeuz: "Mwngz bae, mwngz bae! Bae couh mbouj cinj dauq, dauqdaeu gou dub ga mwngz raek bae."

Daeggo najlaep dwk maranz, son gou naeuz: "Mwngz gaej hag dahsau mwngz bw, roengzrengz doegsaw cij miz okloh." Gou ngaekngaek gyauej.

Doeklaeng engq yunghrengz bae doegsaw. Lauxsae ciengzciengz haenh gou, naeuz gou doeg saw maenh caemhcai roxsoq. Gou baez dem baez dawz gij ciengjcaeng dauqdaeu hawj daeggo yawj, daeggo angq raixcaix.

Gvaq le geij ndwen, dahsau miz saenq dauq lo, de naeuz geiq 3000 maenz ngaenz dauq, cam daeggo sou ndaej caengz. Daeggo mbwnjbak dwk naeuz: "Byawz citgeiz gij ngaenz mwngz." Gou yaek hawj dahsau hoiz saenq, deng daeggo ndaq, naeuz mbouj cinj hoiz.

Baez gek ndwen song ndwen, dahsau couh geiq baez ngaenz he dauq. Daeggo mbouj ok sing lo. Daeggo lanz mbouj ndaej dahsau geiq ngaenz dauq, hix lanz mbouj ndaej gij

sim ngah swheij.

Dahsau baez daihhaj geiq ngaenz dauq seiz, daeggo lij dwg bak mboenboebboeb, mbouj ok sing, doeklaeng doiq gou naeuz: "Sij saenq hawj dahsau mwngz, heuh de gaej geiq ngaenz dauq lo, ranz raeuz mbouj hoj ngaenz."

Seizhaenx vunzmbanj gaenq cienz doh gij vah yak vah rwix, gij vah neix cungj dwg lwnh dahsau gou, coenz maz cungj miz, hojdingq dangqmaz.

Miz baez ndeu, daeggo fouzeiq dingq daengz gij vah neix le, naj de bienq heuloeg caez, lij nenghraerae. De laebdaeb geij ngoenz cungj mbouj okdou, roxnyinh saetnaj lai. Gij ronghda gyoengq vunzmbanj yawj daeggo, lumj cim nei coeg haeuj naj daeggo bae, hawj de hojsouh fouzbeij.

Daeggo huj dwk naj nding rwz hoq, doiq gou naeuz: "Sij saenq bae heuh dahsau mwngz dauq ranz, mboujnex couh doxliz!" Hoeng, dahsau mbouj dauq.

Gij ngaenz dahsau geiq dauq, lumj raemxmboq dongj nei dimz hix dimz mbouj ndaej. Seizgan nanz le, daeggo gvenq lo, cingsaenz de bienq ndaej mazmwnh, doeklaeng bienq baenz damzdingz dem.

Ciemhciemh, daeggo byaij okdou bae caeuq vunzmbanj gangjgoj guh riu. Baez bungz vunz couh mizeiq fouzeiq dwk lwnhnaeuz dahsau gou youq Guengjdoeng aen cangj guh buhvaq ndeu, dang lingxban. Daeggo lij gangjboq naeuz gij ngaenz hong boux lingxban beij boux gunghyinz lai, lij miz ciengjgim lingx dem. Moix baez daeggo gangj gij vah neix seiz, de mbouj swt vunzmbanj gyaenz mbouj gyaenz dingq roxnaeuz baenzlawz caegriu de.

Youq ndaw mbanj daeggo dwg boux daih'it laeb ndaej ranzlaeuz, cang ndaej gyaunde i dangqmaz, cawx gak cungj gyasei gyadienh bengz. Daeggo lij cawx gyaq mohdozceh ndeu, ndaej hoengq seiz, hai bae haw youz, hai daengz gizlawz, gwnz roen gizde couh faenxfufu.

Aen hwet daeggo menhmenh iet ndaej soh lo, gij yienghceij byaij roen de hix miznaj lai, caemhcai najhai raixcaix.

Bi daihsam, daeggo lij cawx aen dohlahgih ndeu dem, gij hong cae reih rauq naz ndaw mbanj caeuq mbanj-nden de bau caez.

Daeggo mbouj swt mbouj langh vunzmbanj baenzlawz hozhaenz, baenzlawz da'nding ranz dou.

Miz ngoenz ndeu, daeggo sing daemq dwk doiq gou naeuz: "Gou naeuz ha, doegsaw lai hix mbouj miz maz yungh, mwngz dwg mbouj dwg bae caeuq dahsau mwngz caemh guh hong?"



Lwgda yawj daeuj, seizhah gaenq gvaqbae lo, nyuenz mbawfaex heuswd hix foenfoen reuqroz, loenq doek, biujmingz seizcou gaenq daeuj daengz.

Seizcou cungj yaek daiq haujai gij gyaunde i seizhah bae, couh lienz gij va duzrwi caeuq duzmbaj gyaenz hix mbouj ndaej mienx. Fajfwngz seizcou, sieng vunz fouz ngaenz, yienghneix, youh miz geijlai boux vunz ngon hwnj geij coenz sei gaeuq, doxlwnh gij cingzganj ciuhgonq danq seizcou.

Mbouj rox ndawda bouxwnq seizcou dwg maz yiengh, swheij dauqfanj youq gyanghongh youzbyaij, yaeng' yaeng gip va loenq, ndaw rumz ci gvaq geij raq hom, gyaigyumq miz geij sing danqheiq nyieg, yaepyet, daj ndaw bak bouxwnq couh miz vunz dwen daengz seizcou.

Daekdae q lumjbaenz gaenq

nyaenx mbouj ndaej deihsam baenz-neix caemdingh, mbwn caengz laep, doq raih okdaeuj swenjngetnget. Mbwn ciemhciemh laep lo, gyoengqde couh ciuz youq giz he ciengqgo.

Seizcou ngamj raeuz siengj hwnj mbanj saehcingz, geq mbaw godongz daj seizcin daengz seizcou, daj gig miz vuedlig daengz reuqroz, seizgan cienj bae cienj dauq, hoeng gij raeuz gaem ndaej maenh haenx, lauhei q cijmiz geij aen yaepyet gauhneix. Siengj daengz mwh ngamq damzyoux, dou ndaej doxbungz, hoeng, cienq ndang couh faensanq, gag boux youq gag gij.

Ndaw naz, vamiuz deng sou liux dan lw gongqganj baij bae baij dauq, lumj boux baenzbingh nei. Bouxvunz youq rog dauqma ranz, daengx naj riunyumj, youh riuj youh aemq ma daengz ranz.



Samleix Yangzdu gingj lengj raeuh.

Bingbing ingj

Mboujdan gag raeuz, lij miz gaiqhuq gwnz deihsam sojmiz, cungj deng seizgan laeglemx gaijbienq caez. Byawz hix mbouj ndaej baujcwng, gvaq 30 bi le, swheij lij dwg baenzneix moengjdoengj, maz cungj mbouj rox. Raeuz majhung lo, seizgan rox bae mbouj rox dauq seiz, raeuz mbouj ndaej mbouj nyinh, mbouj ndaej mbouj ciepsouh swheij ciemhciemh bienq laux ndaej byaijdin cungj byaij mbouj onj.

Seizcou, danghnaeuz dwg seizciet doenghgo reuqroz he, couh cingj hawj dou dauqungz lix baez ndeu ba! Dou yaek vih diuzmingh bonjfaenh ra aen lijyouz ndei he, lix ok gij gyaunde i caeuq cwxcaih.

Danghnaeuz seizcou haeuj daengz geizlaeng, vunz couh hainduj siengjniemh moix go nya. Danghnaeuz gyanghaemh caemcingx lo, faenh siengjniemh neix couh rox daiq vunz byaij bae gig gyaenz, gig gyaenz.....